

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Si habeatur ratio prisci moris, pura simonia committitur. At si novi juris
ratio habeatur, Annatæ liberari possunt à suspicione simoniæ.

urn:nbn:de:hbz:466:1-15617

ipsam veniamus, docendum est in antecellsum duo esse genera simoniae. Nam vera simonia in eo consistit, si quis aliquod pretium temporale recipiat pro re quapiam sacra. Hoc genus simoniae jure divino vetum est, ut constat ex cap. viii. Actorum: ubi legimus Simonem magum emere voluisse donum Spiritus sancti, quod per impositionem manuum dabatur. Alterum simoniae genus jure ecclesiastico introductum est. In eam autem inciditur quando res Dei ministerio consecratæ, aut pro sustentatione Presbyterorum dedicatae, venduntur: quæ licet non sint res spirituales, aliquid tamen spirituale connexum habent, ut loquuntur Canonici juris interpres & Theologi, id est, considerantur quasi pendentes à functione quadam spirituali. Priscis temporibus, quando videlicet ordinationis vocabulo comprehendebantur impositio manuum & provisio Beneficij, inutilis erat illa distinctio: quia si qui simoniam committebat in vera simonia crimen incidebat.

II. Sed ut ad rem redeamus, sic censeo. Si ratio habeatur prisci moris & auctoritatis antiquorum patrum, puram esse simoniam, si quis, etiam post ordinationem, pecuniam recipiat, excepto tamen salario Notarii, quod exhiberi debet secundum operam ejus. At si novi juris ratio habeatur, Annatae liberari possunt à suspicione simoniae.

III. Pars prior faciliè probari potest, adductis auctoritatibus Gennadij Patriarchæ Constantinopolitani & sancti Gregorij, Iuris Graeco-Romani, Zachariae Pontificis, & Synodi Parisiensis sub Ludovico Pio, quarum suprà facta mentio est. Quibus addi possunt testimonia Doctorum, Guilielmi videlicet Durandi Episcopi Mimatensis, & Deputatorum Nationis Gallicanæ in Concilio Constantiensi, quorum loca suprà laudata sunt, & determinatio Concilij Basileensis. Ratio hujus sententia hinc petitur, quod cum pecunia illa detur contemplatione ordinationis, aut ob confirmationem electionis, gratia sancti Spiritus venundatur. Neque admitti potest, ut suprà laudati auctores adnotarunt, distinctio illa, an pecunia detur ante vel post ordinationem, tametsi verum sit mediocrem pecuniæ summan accipi potuisse pro jure installationis, iuxta Novellam Iustiniani, nisi id quoque prohibitum esset à sancto Gregorio. Sed adversus hoc excipi potest ordinationem ab aliquot seculis separatam esse à provisione Beneficij, ideoque proximam simoniae criminis damnari non posse. Respondet Panormitanus, disputans adversus Papam & Episcopos qui pecuniam recipiunt pro expediendis

titulis Beneficiorum, ordinationem conferre potestatem clavium in habitu, sed provisio nem superioris tribuere exercitum in actu, id est, executionem ordinationis. Per titulum Beneficij, inquit, confertur executio ordinis & clavium, non tantum temporalia bona.

IV. Secundum vero jus novum, quod auctoritatem addidit tributis quæ Beneficiorum possessoribus imperant pro necessitatibus Ecclesiae Romanae & sustentatione Cardinalium, Annatae ab episcopatibus exactæ liberari quidem possunt à crimine simoniae, sed non à vitio avaritiae. Nam post conditum illud jus Curia Romana novo praetextu usa est ad exigendas Annatas, impositionis videlicet & subsidijs, cum antea id non soleret, nondum videlicet evulgato Ecclesiæ Romanae arcano, posse eam tributa imperare singulis Ecclesiis. Porro necessitatem illam contribuendi sumptus Ecclesiae Romanae, quæ inferioribus Ecclesiis incumbit, fundamentum esse Annatarum affirmavit Joannes de Scribanis in Constantiensi Concilio disputans adversus Deputatos Nationis Gallicanæ, itemque Antonius Synodus Basileensem alloquens nomine Eugenij quarti. Tanti autem ponderis visa est haec ratio Ioanni Gersoni, qui Constantia aedebat pro Natione Gallicana, ut coactus sic excogitare distinctionem quandam, que in ejus operibus extar, qua concederet Annatas quidem legitime solvi posse, sed modum eas exigendi non posse tolerari. Annatas tolerat titulo subventionis, sed eas simoniae suspicione laborare ait, si possessio aut exercitium Beneficij impeditur donec pecunia fuerit persoluta. id quod fusè probat in tractatu de simonia. Alibi tamen materiam istam temperat, his verbis: Status Summi Pontificis & Cardinalium dum recipit & querit subventiones consuetas in oblationibus decimis, vel Annatis, & similibus, non debet ipsò de simoniaca pravitate notari. Nisi forte vitium aliud in executionis modo concurrevit, quod vitium corrigi debet, non exinde status minus, destrui, culpari, vel juribus aliunde debitum defraudari. sicut ab infirmo morbus tollendus est, non subiectum vel corpus defruendum. Oppositum vero pertinaciter opponens, notando generaliter de simoniaca pravitate totum statum ipsum temerarius esset, nec ferendus.

V. Sanè Petrus de Alliaco nullam aliam atque illa probabilem rationem invenit firmare Annatarum exactiōnē quām contributionem pro sustentatione Curiae Romanae; æquumque esse censuit ut quomodo Levitæ contribuebant decimam suarum decimarum pro Summo Pontifice Iudeorum, sic omnes contribuerent Annatas pro susten-